

Na osnovu odredbi Zakona o političkim organizacijama (“Službeni list SR BiH”, broj: 27/91), u vezi sa članom 81. Statuta Narodnog evropskog saveza Bosne i Hercegovine, Glavni odbor Narodnog evropskog saveza Bosne i Hercegovine na svome zasjedanju održanom u Cazinu, dana 03.06.2023.godine, donosi

## **STATUT NARODNOG EVROPSKOG SAVEZA BOSNE I HERCEGOVINE**

### **I. OPĆE ODREDBE**

#### **Član 1.**

(1) NARODNI EVROPSKI SAVEZ BOSNE I HERCEGOVINE je organizacija političkog centra, proevropski orijentiran, otvoren za sve građanke i građane Bosne i Hercegovine, čija su načela, ciljevi i organizacija utvrđeni Programom i Statutom.

#### **Član 2.**

(1) Naziv političke organizacije je: NARODNI EVROPSKI SAVEZ BOSNE I HERCEGOVINE (u daljem tekstu: NES BiH).

(2) Skraćeni naziv političke organizacije je: NES BiH.

(3) U skladu sa važećim propisima, naziv „Narodni evropski savez Bosne i Hercegovine“ i skraćeni naziv „NES BiH“ se može koristiti na jednom ili više stranih jezika.

(4) Sjedište političke organizacije je u Sarajevu, ul. Obala Kulina bana br. 24/2.

#### **Član 3.**

(1) NES BiH djeluje na području države Bosne i Hercegovine, a u skladu sa odgovarajućim propisima i u inozemstvu.

#### **Član 4.**

(1) NES BiH ima svojstvo pravnog lica koje se stiče upisom kod nadležnog organa u skladu sa zakonima Bosne i Hercegovine.

#### **Član 5.**

(1) NES BiH predstavlja i zastupa Predsjednik stranke.

(2) U slučaju odsutnosti ili spriječenosti Predsjednika NES BiH, NES BiH predstavlja i zastupa Zamjenik predsjednika stranke, a u njegovoj odsutnosti ili spriječenosti Generalni sekretar.

#### **Član 6.**

(1) NES BiH ima pečat, znak (amblem) i zastavu.

(2) Pečat NES BiH je okruglog oblika, u njegovom središtu je znak NES.

(3) Puni naziv: NARODNI EVROPSKI SAVEZ BOSNE I HERCEGOVINE ispisan je u obodnome krugu.

(4) Za potrebe rada NES BiH može imati i druge pečate i štambilje.

(5) Sadržaj pečata, broj pečata, davanje odobrenja za izradu pečata, upotreba pečata, način vođenja evidencije o izdatim pečatima, način uništenja i druga pitanja od značaja za izradu i korištenje pečata i štambilja uredit će se posebnom odlukom Predsjedništva NES BiH .

(6) Odlukom Predsjedništva NES BiH utvrđuju se znak (amblem) i zastava NES BiH.

#### **Član 7.**

(1) NES BiH i niže organizacione jedinice imaju prijemni štambilj koji se stavlja na sve akte primljene u stranci.

(2) Štambilj je pravougaonog oblika, a sadrži znak, naziv stranke, oznaku za broj i datum, broj priloga i drugo po potrebi.

#### **Član 8.**

(1) Bliže odredbe o izgledu i upotrebi pečata, štambilja, znaka (emblema) i zastave NES BiH donosi Predsjedništvo NES BiH.

## **II. CILJEVI I NAČIN NJIHOVOG OSTVARIVANJA**

#### **Član 9.**

(1) Političko djelovanje, organizacijska struktura i rad svih nivoa unutrašnje organizacije NES BiH temelje se na demokratskim principima i vrijednostima parlamentarne demokracije. NES BiH se u okviru političkog djelovanja, zalaže za ostvarenje svog Programa i svojih ciljeva pridobijanjem povjerenja birača, učešćem na izborima i učešćem u radu predstavničkih i drugih tijela vlasti, srazmjerno svom uspjehu na slobodnim demokratskim izborima.

#### **Član 10.**

(1) Ciljevi NES BiH su utvrđeni Programom NES BiH, a obuhvataju posebno:

- očuvanje suvereniteta, nezavisnosti i cjelovitosti države Bosne i Hercegovine, kao i nepovredivosti njenih granica;
- vraćanje naziva Republika Bosna i Hercegovina;
- zalaganje za punopravno uključivanje Bosne i Hercegovine u Evropsku uniju i NATO, te druge evropske i svjetske organizacije;
- afirmaciju bosanskog identiteta kao zajedničkog identiteta svih građana Bosne i Hercegovine;
- afirmaciju i odbranu nacionalne samobitnosti kao i nesputan kulturni i svaki drugi razvoj svih naroda, nacionalnih i etničkih manjina u Bosni i Hercegovini;
- demokraciju u društvenom i političkom životu i funkcioniranje pravne države;
- afirmaciju ljudskih prava i sloboda;
- slobodu medija i nezavisnost javnih servisa;
- ravnopravnost spolova;
- borbu protiv korupcije i organizovanog kriminala;
- jedinstvo obrazovnog sistema u skladu sa evropskim standardima;

- jačanje poduzetničkog duha;
- vraćanje dostojanstva boračkoj populaciji kroz zapošljavanje i egzistencijalno zbrinjavanje;
- otklanjanje svih oblika diskriminacije;
- zagovaranje odgovornosti prema položaju najugroženijih dijelova bosanskohercegovačkog društva (djeca i starci, invalidi i bolesni, itd.);
- zaštita i unaprjeđenje životne sredine;
- slobodnu aktivnost vjerskih zajednica zasnovanu na autonomiji i vjerskim slobodama građana;
- dosljedno provođenje principa tržišne privrede, ravnopravnost svih oblika vlasništva, privatno poduzetništvo i ukidanje svojine bez vlasnika;
- odgoj i obrazovanje u skladu sa tradicijom i suvremenim potrebama bosanskohercegovačkog društva;
- unaprjeđivanje socijalnih prava;
- razvijanje saradnje i jačanje veza sa BH dijasporom, i
- afirmaciju mladih i njihovo uključivanje u javni i društveni život.

(2) Načela i ciljevi NES BiH navedeni u ovom članu Statuta bit će predstavljeni u programskim dokumentima, donesenim na nadležnim stranačkim organima.

#### **Član 11.**

(1) NES BiH može stupati u saveze s drugim političkim organizacijama, te postajati članicom bosanskohercegovačkih i inostranih asocijacija i to u skladu s bosanskohercegovačkim zakonima.

(2) Odluku o saradnji donosi Predsjedništvo NES BiH, na prijedlog Predsjednika NES BiH.

#### **Član 12.**

(1) NES BiH može biti član međunarodnih političkih udruženja čije je djelovanje u skladu sa njenim programskim načelima i ciljevima.

(2) Odluku o učlanjivanju donosi Predsjedništvo NES BiH, na prijedlog Predsjednika NES BiH.

#### **Član 13.**

(1) Rad NES BiH i njenih organa je javan.

(2) Javnost rada ostvaruje se javnim djelovanjem i redovnim obavještanjem članstva i javnosti o svim bitnim pitanjima vezanim za rad NES BiH.

(3) Odnosi u NES BiH se zasnivaju na principu demokratskog jedinstva, koji uključuje:

- poštivanje slobode mišljenja i slobode izražavanja unutar NES BiH,
- uvažavanje odluka većine i obavezu njihovog ostvarivanja u praksi,
- prava manjine i svakog pojedinca da zadrži i u NES BiH izražava vlastito mišljenje i gledišta, pod uslovom da nisu u suprotnosti sa programskim ciljevima, principima i ovim Statutom.

### III. ČLANSTVO

#### Član 14.

(1) Član NES BiH može biti svaki punoljetni građanin Bosne i Hercegovine koji nije član druge političke partije.

(2) Članstvo može biti :

- redovno i
- počasno.

#### Član 15.

(1) Namjera volje pristupanja NES BiH ozvaničava se potpisivanjem pristupnice.

(2) Pristupnicu NES BiH može potpisati svaki punoljetan i poslovno sposoban građanin koji prihvata Program i Statut NES BiH, koji nije član druge političke organizacije i koji prihvata Etički kodeks NES BiH.

(3) Prilikom potpisivanja pristupnice NES BiH svaki građanin može se pismeno izjasniti o namjeri da djeluje kao: simpatizer, član, prijatelj ili aktivista NES BiH.

#### Član 16.

(1) Pod simpatizerom NES BiH u skladu sa Statutom podrazumijeva se svaka osoba koja podržava rad NES BiH i predstavlja potencijalnog člana ili aktivistu NES BiH, koji želi da bude blagovremeno upoznat sa aktivnostima NES BiH, da bude pozivan na skupove, tribine, okrugle stolove i druge manifestacije i sastanke.

#### Član 17.

(1) Član NES BiH ima svoja prava i obaveze koje su definirane ovim Statutom i drugim aktima.

(2) Prava člana su:

- da sudjeluje u odlučivanju o svim bitnim pitanjima za NES BiH, neposredno ili preko izabраниh predstavnika u organima NES BiH,
- da bira i da bude biran u organe NES BiH,
- da bude obaviješten o stanju i aktivnostima NES BiH, njenih organa i tijela,
- da daje inicijative, prijedloge i mišljenja u vezi sa radom NES BiH i aktuelnim društvenim pitanjima koja zahtijevaju angažman NES BiH,
- da kod duže promjene boravišta (preko šest mjeseci) učestvuje u radu mjesnog ogranka NES BiH na čijem se području nalazi (isključuje se pasivno biračko pravo u tom mjesnom ogranku),
- druga prava koja proizlaze iz prirode članstva.

#### Član 18.

(1) Pod aktivistom NES BiH u skladu sa ovim Statutom podrazumijeva se istaknuti član NES BiH koji se pored prava definisanih u članu 17. ističe u svojim posebnim obavezama u afirmaciji programskih ciljeva NES BiH.

(2) Svi članovi organa NES BiH po automatizmu su aktivisti i imaju posebna zaduženja.

(3) Posebna lična zaduženja poblize će utvrditi gradski/općinski odbor NES BiH samoinicijativno ili na prijedlog mjesnih odbora NES BiH.

#### **Član 19.**

(1) Pod prijateljima NES BiH podrazumijevaju se pravna i fizička lica koja podržavaju programske ciljeve NES BiH, podržavaju i pomažu materijalno-tehničkom i organizacijskom jačanju NES BiH ali zbog profesionalnih i drugih specifičnosti nisu u mogućnosti da aktivno djeluju kao članovi odnosno aktivisti NES BiH.

#### **Član 20.**

(1) NES BiH može imati svoje počasne članove o čemu odluku donosi Predsjedništvo NES BiH.

(2) Počasnim članom može postati osoba koja u svom političkom djelovanju podržava ideje za koje se zalaže NES BiH i koja je svojim javnim istupima i neposrednim djelovanjem promovirala i podržavala NES BiH u zemlji i inostranstvu.

(3) Počasni član NES BiH može postati i osoba koja nije državljanin Bosne i Hercegovine.

(4) O počasnim članovima vodi se poseban registar.

(5) Počasni članovi NES BiH imaju sva prava redovnih članova, osim prava da biraju i budu birani u skladu sa ovim Statutom.

#### **Član 21.**

(1) Pristupnice se predaju mjesnom ogranku prema mjestu prebivališta budućeg člana NES BiH.

(2) Evidencija članstva u mjesnim ograncima je baza za uspostavljanje i praćenje jedinstvene centralne evidencije članstva u NES BiH (Registar članova).

(3) Jedinstveni centralni registar članstva vodi se u Stručnim službama NES BiH.

(4) Članovima NES BiH se izdaje članska karta čiji izgled i sadržaj utvrđuje Predsjedništvo NES BiH.

#### **Član 22.**

(1) Pristupnica se dostavlja na potvrdu Gradskom/općinskom odboru NES BiH, prema mjestu prebivališta novog člana NES BiH koji će, ukoliko smatra da za to nema smetnji, potvrditi pristupnicu (verificirati pristupanje u NES BiH), a odluku o tome dostaviti novom članu NES BiH, pripadajućem mjesnom odboru te Stručnim službama radi uvođenja u Centralni registar.

(2) Odluka kojom se odbija potvrditi pristupanje NES BiH mora biti obrazložena, a razlozi za odbijanje mogu biti članstvo u drugoj političkoj organizaciji, moralni lik i djelovanje koje nije u skladu sa ciljevima i programskim načelima NES BiH i slično.

(3) Na odluku o odbijanju pristupnice, potpisnik pristupnice – budući član ima pravo prigovora u roku od 8 dana od dana prijema Odluke.

(4) O prigovoru odlučuje Sud časti NES BiH.

(5) Odluka Suda časti je konačna i ne može se pobijati pred drugim organima NES BiH.

### **Član 23.**

(1) Dužnosti člana NES BiH su:

- da djeluje u skladu sa Programom, Statutom i drugim aktima NES BiH,
- da se aktivno zalaže za ostvarivanje ciljeva NES BiH,
- da u institucijama političkog sistema dosljedno zastupa programska opredjeljenja i stavove organa NES BiH,
- da provodi odluke organa NES BiH i
- da čuva i unaprjeđuje ugled NES BiH.

(2) Odgovornost članova NES BiH reguliše se posebnim pravilnikom, koji donosi Predsjedništvo NES BiH.

### **Član 24.**

(1) Članstvo u organima NES BiH prestaje:

- istupom na vlastiti zahtjev,
- isključenjem iz organa NES BiH zbog djelovanja suprotnog Programu i Statutu NES BiH,
- smrću člana,
- kandidiranjem na izborima bez saglasnosti NES BiH, i
- učlanjenjem u drugu stranku.

(2) Članu ili aktivisti koji je isključen iz organa NES BiH može se izreći privremena ili trajna mjera kandidiranja u organe NES BiH ili izvršnu i zakonodavnu vlast ispred NES BiH.

### **Član 25.**

(1) Nijedan član se ne može isključiti iz članstva NES BiH bez opravdanog razloga.

### **Član 26.**

(1) Odluku o isključenju iz organa NES BiH donosi gradski/općinski odbor NES BiH samoinicijativno ili na obrazložen prijedlog mjesnog odbora NES BiH kojemu član pripada uz prethodnu saglasnost Predsjednika NES BiH.

(2) Prije donošenja odluke omogućit će se članu NES BiH, protiv koga se postupak vodi, da obrazloži svoja stajališta i podnese potrebne dokaze u svoju odbranu.

(3) Odluku o isključenju iz članstva može donijeti i Predsjednik NES BiH.

(4) Protiv odluke o isključenju može se podnijeti žalba u roku od 15 dana od prijema odluke.

(5) O žalbi odlučuje Sud časti NES BiH čija je odluka konačna.

(6) Na odluku Suda časti može se podnijeti zahtjev za reviziju iste Predsjedništvu NES BiH u roku od 30 dana od dana donošenja.

(7) Član NES BiH ima pravo istupiti iz NES BiH podnošenjem pisane izjave o istupanju. Izjava se podnosi gradskom/općinskom odboru NES BiH.

#### **IV. ORGANIZACIONA STRUKTURA I ORGANI**

##### **Član 27.**

(1) NES BiH kao jedinstvena politička organizacija svoje političko djelovanje i aktivnosti ostvaruje putem:

- organa i tijela NES BiH,
- teritorijalnih organizacija NES BiH: mjesni odbori, gradska/općinska organizacija, kantonalni odbor i po potrebi regionalni odbor.

##### **a) Organi i radna tijela NES BiH**

##### **Član 28.**

(1) Organi NES BiH su:

- Konvencija,
- Glavni odbor,
- Predsjednik,
- Predsjedništvo i
- Sud časti.

##### **1. KONVENCIJA**

##### **Član 29.**

(1) Najviši organ NES BiH je Konvencija.

(2) Konvenciju čine delegati koji se biraju na izborima i delegati po položaju.

(3) Delegati po položaju su:

- Predsjednik i zamjenik predsjednika,
- Članovi Glavnog odbora,
- Predsjedništvo,
- Generalni sekretar,
- predsjednici gradskih/općinskih odbora,
- predsjednici kantonalnih odbora,
- izabrani predstavnici NES BiH u gradskim/općinskim vijećima/skupštinama općina jedinica lokalne samouprave, općinski gradonačelnici/načelnici, te zastupnici/e u državnim, entitetskim i kantonalnim zakonodavnim tijelima,
- izabrani predstavnici/e lokalnih organizacija NES BiH.

(4) Delegate Konvencije na izborima biraju gradske/općinske organizacije nakon provedene kandidature na neposrednim izborima.

(5) Broj delegata iz pojedinih gradskih/općinskih organizacija utvrđuje Predsjednik NES BiH na osnovu kriterija koji se temelje na izbornim rezultatima.

### **Član 30.**

(1) Konvencija NES BiH vrši verifikaciju mandata delegatima Konvencije, bira Radno predsjedništvo Konvencije i donosi Poslovnik o radu Konvencije.

(2) Konvencija punovažno odlučuje ako je prisutno više od 2/3 delegata Konvencije.

(3) Konvencija donosi odluke većinom glasova prisutnih delegata Konvencije.

Izuzetno od odredaba prethodnog stava ovog člana, Konvencija dvotrećinskom većinom verifikovanih delegata donosi i mijenja Statut i Program rada NES BiH.

### **Član 31.**

(1) Konvencija NES BiH nadležana je da:

- usvaja i mijenja Statut,
- usvaja i mijenja Program rada i djelovanja NES BiH,
- donosi odluke o prijedlozima upućenim Konvenciji,
- donosi smjernice i stavove za djelovanje organa i članova NES-a između dvije Konvencije,
- razmatra i ocjenjuje rad NES BiH i njegovih organa između dvije Konvencije (Izvještaj o radu Predsjednika NES BiH, Glavnog odbora i kantonalnih odbora),
- bira i razrješava Predsjednika i zamjenika Predsjednika NES BiH,
- bira i razrješava dio članova Glavnog odbora koji to nisu po položaju,
- donosi druge akte opšteg karaktera,
- razmatra i druga pitanja koja su od važnosti za uspješno djelovanje NES BiH.

### **Član 32.**

(1) Konvencija može biti redovna i vanredna.

(2) Odluku o sazivanju Konvencije donosi Predsjedništvo NES BiH na prijedlog Predsjednika NES BiH.

(3) Odlukom Glavnog odbora utvrđuje se prijedlog dnevnog reda i osnovna pitanja pripreme i organizacije Konvencije NES BiH.

(4) Prijedloge dokumenata koje razmatra Konvencija NES BiH utvrđuje Glavni odbor na prijedlog Predsjednika NES BiH.

(5) Konvenciju saziva i rukovodi njegovim radom Predsjedništvo NES BiH sve do izbora Radnog predsjedništva Konvencije.

(5) Vanredna Konvencija se saziva na prijedlog Predsjedništva NES BiH.

(6) Vanredna Konvencija saziva se kada Predsjedništvo stranke odluči da je to neophodno zbog izuzetnih prilika u državi Bosni i Hercegovini ili u NES BiH.

(7) Odluku o održavanju Vanredne Konvencije donosi Predsjedništvo NES BiH dvotrećinskom većinom od ukupnog broja članova.



(8) Vanredna Konvencija mora se sazvati najkasnije tri sedmice prije njegovog održavanja.

(9) Prijedlozi odluka i drugih dokumenata za Vanrednu Konvenciju dostavljaju se delegatima najmanje tri dana prije održavanja Konvencije.

(10) Vanredna Konvencija radi po Poslovniku o radu redovne Konvencije.

## 2. GLAVNI ODBOR

### Član 33.

(1) Najviši organ NES BiH između dvije sjednice Konvencije je Glavni odbor.

### Član 34.

(1) Glavni odbor:

- bira Predsjednika i zamjenika predsjednika Glavnog odbora,
- brine o izvršavanju odluka Konvencije,
- daje političke ocjene i utvrđuje političke stavove NES BiH na državnom, entitetskom i kantonalnom nivou,
- donosi opće akte NES BiH,
- usvaja planove i izvještaje o poslovnoj aktivnosti i politici NES BiH,
- daje saglasnost o osnivanju odbora NES BiH u inostranstvu,
- donosi odluku o osnivanju stručne službe, preduzeća, agencije ili drugih oblika obavljanja privredne djelatnosti, po potrebi osniva radna tijela za rješavanje pitanja iz svoje nadležnosti (komisije, savjeti i slično),
- ocjenjuje statutarnost akata i odluka organa NES BiH, daje tumačenje Statuta NES BiH,
- odlučuje i o drugim pitanjima vezanim za rad NES BiH, koji Statutom ili drugim općim aktima nisu stavljeni u nadležnost drugim organima.

### Član 35.

(1) Glavni odbor čine članovi Predsjedništva NES BiH, Zastupnici u Parlamentarnoj skupštini BiH, Parlamentarnoj skupštini FBiH, Narodnoj skupštini RS, Skupštini Brčko distrikta, Skupštini kantona, izabrani gradonačelnici i načelnici, Predsjednici kantonalnih, gradskih/općinskih odbora.

(2) Predsjednik NES BiH imenuje dodatnih 30 delegata sa područja cijele Bosne i Hercegovine uzimajući u obzir ostvareni izborni rezultat na zadnjim održanim izborima.

(3) Mandat Predsjedniku, zamjeniku predsjednika i članovima Glavnog odbora traje 4 godine.

(4) Mandat u Glavnom odboru nosiocima mandata ističe prestankom ili gubitkom mandata na državnom ili entitetskom nivou, odnosno nastupa početkom mandata na državnom ili entitetskom nivou.

(5) Glavni odbor statutarne odluke donešene između dvije Konvencije podnosi na verifikaciju Konvenciji NES BiH.

### Član 36.

(1) Glavni odbor iz svog sastava bira Predsjednika i zamjenika predsjednika Glavnog odbora.

(2) Predsjednik priprema, saziva i vodi sjednice Glavnog odbora.

(3) Predsjednik Glavnog odbora, u saradnji sa Predsjednikom i zamjenikom predsjednika NES BiH, Generalnim sekretarom i Predsjedništvom NES BiH u cjelini, stara se o provođenju odluka Glavnog odbora.

(4) Zamjenik predsjednika Glavnog odbora mijenja predsjednika u slučaju njegove odsutnosti i/ili spriječenosti i obavlja druge poslove koje mu povjeri predsjednik Glavnog odbora u skladu sa Poslovníkom o radu.

#### **Član 37.**

(1) Glavni odbor se saziva po potrebi.

(2) Predsjednik Glavnog odbora će obavezno sazvati sjednicu Glavnog odbora kada to zatraži Predsjedništvo NES BiH, najmanje 50% članova Glavnog odbora ili Predsjednik NES BiH.

#### **Član 38.**

(1) Između dva zasjedanja Konvencije, Glavni odbor može kooptirati odgovarajući broj članova radi popune upražnjenih mjesta.

(2) Između dva zasjedanja Konvencije, Glavni odbor može donijeti Statutarnu Odluku o povećanju broja članova Glavnog odbora ukoliko za to postoji potreba zbog interesa NES BiH, kao i druge Statutarne odluke na prijedlog predsjedništva NES BiH.

(3) Kooptiranje se vrši sa liste kandidata o kojoj se glasalo na Konvenciji i to verificiranjem mandata slijedećem kandidatu prema broju dobivenih glasova i tako redom sa područja i u dio liste na kojoj je došlo do promjene.

(4) Ukoliko na listi nema drugih kandidata utvrdiće se novi prijedlozi kandidata.

### **3. PREDSJEDNIK NES-a**

#### **Član 39.**

(1) Prvobitnog Predsjednika i Zamjenika predsjednika NES BiH bira osnivačka skupština, dok naknadne Predsjednike i Zamjenike predsjednika NES BiH bira Konvencija NES BiH.

(2) Kandidat za Predsjednika NES BiH može biti član NES BiH koji podnese prijavu Izornoj komisiji NES BiH koju podržava najmanje 50% članova aktuelnog saziva Glavnog odbora.

(3) Kandidatsku listu sačinjava Izborna komisija NES BiH, a nakon provedene procedure kandidiranja i ovjere kandidatura, što će se preciznije regulisati Pravilima izbornog postupka.

(4) Izabran je kandidat koji dobije najveći broj glasova.

#### **Član 40.**

(1) Predsjednik NES BiH je politički i izvršni organ NES BiH.

(2) Predsjednik NES BiH nadležan je da:

- predstavlja i zastupa NES BiH,
- predlaže i provodi politiku NES BiH,
- rukovodi NES BiH i stara se o provođenju odluka Konvencije, Glavnog odbora i Predsjedništva NES BiH,
- saziva, predsjedava i učestvuje u radu Predsjedništva NES BiH te učestvuje u radu Glavnog odbora NES BiH, sa pravom glasa,
- pokreće pred organima NES BiH rješavanje političkih i drugih pitanja od važnosti za NES BiH, njegove ciljeve i Program rada,
- koordinira i nadzire rad svih organa NES BiH i brine se o provođenju njihovih odluka, zaključaka i drugih akata,
- saziva i rukovodi Konvencijom NES BiH do izbora njegovog rukovodstva,
- saziva konstituirajuću sjednicu Glavnog odbora i rukovodi njime do izbora rukovodstva Glavnog odbora,
- podnosi izvještaj o radu Konvenciji i informacije Glavnom odboru,
- predlaže kandidate za članove Predsjedništva NES BiH,
- predlaže kandidata za Generalnog sekretara,
- imenuje po potrebi svoje savjetnike za pojedine oblasti,
- potvrđuje izborne liste za zakonodavne organe vlasti za sve nivoe u Bosni i Hercegovini,
- donosi konačnu odluku o sastavu kompenzacijskih lista za sve nivoe izbora u BiH, donosi odluku o kandidatima za Predsjedništvo BiH, za parlamentarnu Skupštinu BiH, te za parlamente entiteta, predsjednika/potpredsjednike entiteta, mandataru i članove vlade na nivou države i entiteta, predsjednike domova parlamenata, predsjednike klubova poslanika, kao i predsjednika skupštine i premijera kantona,
- daje saglasnost za kandidate za načelnike i gradonačelnike,
- zaustaviti izvršenje odluke i/ili drugog akta organa NES BiH na nižim nivoima, te odluke odbora i komisija NES BiH i nosilaca funkcija u organima NES BiH, za koje smatra da su u suprotnosti sa Statutom, Programom i drugim odlukama organa NES BiH, a čija bi primjena nanijela štetu ugledu i/ili drugu štetu NES BiH,
- daje prethodnu saglasnost uz konsultaciju Kadrovske komisije za kandidate radi imenovanja svih predstavnika Izvršne vlasti ispred NES BiH,
- daje prethodnu saglasnost uz konsultaciju Kadrovske komisije za kandidate radi imenovanja predsjednika i članova općinskih/gradskih i kantonalnih organizacija NES BiH,
- u izuzetnim situacijama u kojima je došlo do odstupanja u provođenju odstupanja Programa, odluka ili stavova viših organa NES BiH, te kršenja Statuta, može donijeti odluku o raspuštanju pojedinih organa NES BiH koji su učinili navedene povrede, o čemu će obavijestiti Predsjedništvo NES BiH nakon čega se pokreće neophodna procedura utvrđena ovim Statutom,
- donosi odluku o razriješenju sa mjesta dužnosti predsjednika Općinskog/Gradskog i Kantonalnog odbora čije djelovanje nije u skladu s djelovanjem, ugledom, politikom i ciljevima NES BiH, o čemu obavijestava Predsjedništvo NES BiH radi daljnjeg postupanja,
- rukovodi sa radom Predsjedništva NES BiH,
- u slučaju spriječenosti Predsjednika i Zamjenika Predsjednika NES BiH može ovlastiti jednog od članova Predsjedništva NES BiH da saziva i rukovodi sjednicama Predsjedništva NES BiH,
- u slučaju potrebe hitne intervencije s ciljem zaštite interesa NES BiH može donositi odluke iz nadležnosti Konvencije, Glavnog odbora i Predsjedništva NES BiH, koje ti organi naknadno verificiraju,
- s ciljem zadovoljavanja nacionalne, spolne, starosne, profesionalne i teritorijalne zastupljenosti može donositi odluke o dopunjavanju određenog broja članova u svim

organima i tijelima NES BiH, a najviše do ¼ (jedne četvrtine) od ukupnog broja članova pojedinog organa,

- pisanom odlukom određuje zamjenika, generalnog sekretara ili nekog člana predsjedništva da u njegovo ime zastupa NES BiH u pojedinim pitanjima,
- radi zaštite pravnih interesa NES BiH može ovlastiti ili oponumocičiti osobu koja je ovlaštena pružati pravnu ili stručnu pomoć za zastupanje u pojedinim pravnim ili stručnim pitanjima,
- obavlja druge poslove u skladu sa Statutom i drugim aktima NES BiH, te poslove koje mu povjeri Konvencija, Glavni odbor i Predsjedništvo NES BiH.

#### 4. ZAMJENIK PREDSJEDNIKA NES BiH

##### **Član 41.**

(1) NES BiH ima jednog Zamjenika predsjednika NES BiH kojeg prvobitno bira osnivačka skupština a kasnije ga bira Konvencija između dva ili više kandidata.

(2) Zamjenik predsjednika NES BiH mijenja Predsjednika NES BiH u slučaju njegove spriječenosti ili nemogućnosti da obavlja svoju funkciju i tada ima prava, ovlaštenja i odgovornosti Predsjednika NES BiH.

#### 5. PREDSJEDNIŠTVO NES BIH

##### **Član 42.**

(1) Izvršno-politički organ NES BiH je Predsjedništvo NES BiH koje ukupno broji 15 (petnaest) članova.

(2) Zamjenik predsjednika NES BiH, Generalni sekretar, predsjednik Kluba poslanika u zakonodavnom tijelu države Bosne i Hercegovine su prema položaju članovi Predsjedništva.

(3) Jedna trećina članova Predsjedništva NES BiH popunjava se od strane Predsjedništva NES BiH po prijedlogu Predsjednika NES BiH.

##### **Član 43.**

(1) Predsjedništvo NES BiH:

- izvršava odluke i provodi stavove Konvencija i Glavnog odbora NES BiH,
- utvrđuje nacрте odluka i drugih akata koje donosi Konvencija, prijedloge akata koje donosi Glavni odbor u okviru svojih ovlaštenja,
- usvaja godišnji budžet i izvještaj o ostvarenju budžeta,
- usvaja planove i izvještaje o poslovnoj aktivnosti i politici NES BiH,
- provodi političku djelatnost na osnovu programa rada NES BiH,
- vodi brigu i raspolaže imovinom NES BiH u skladu sa Statutom i drugim općim aktima NES BiH donošenjem pojedinačnih ili općih odluka, zaduženja i sl.,
- prati realizaciju finansijskog plana,
- razmatra i usvaja godišnji finansijski plan NES BiH,
- razmatra i usvaja izvještaje o finansijskom poslovanju NES BiH,
- donosi Pravilnik o organizaciji i sistematizaciji Stručnih službi NES BiH, Pravilnik o materijalno- finansijskom poslovanju i druge opšte akte NES BiH, za koje je ovlašten Statutom ili odlukom Glavnog odbora,

- donosi Pravilnik o ostvarivanju kadrovske politike i Smjernice kadrovske politike,
- imenuje Glavni izborni štab NES BiH,
- utvrđuje tačan broj članova regionalnih odbora na prijedlog Predsjednika NES BiH,
- donosi Poslovnik o radu Predsjedništva NES BiH,
- formira svoja radna tijela u skladu sa Poslovnikom,
- ima i druge nadležnosti utvrđene Statutom i drugim općim aktima, u okviru odluka i naloga Konvencije i Glavnog odbora NES BiH.

#### **Član 44.**

(1) Članovi Predsjedništva NES BiH preuzimaju zaduženja po pojedinim oblastima i odgovorni su za praćenje i predlaganje politike NES BiH u toj oblasti.

(2) Odluku o zaduženju donosi Predsjedništvo NES BiH na prijedlog Predsjednika NES BiH.

#### **Član 45.**

(1) Predsjedništvo NES BiH posebnim odlukama uređuje osnivanje i donosi odluku o pokretanju i izdavanju glasila i drugih publikacija NES BiH.

(2) Na nižim nivoima, odluku o izdavanju glasila donose odgovarajući izvršni organi uz prethodnu saglasnost Predsjedništva NES BiH.

### 6. GENERALNI SEKRETAR

#### **Član 46.**

(1) NES BiH ima Generalnog sekretara kojeg na prijedlog Predsjednika NES BiH, bira i razrješava Predsjedništvo NES BiH.

(2) Generalni sekretar pomaže predsjedniku NES BiH, zamjeniku predsjednika NES BiH, te predsjedniku i zamjeniku predsjednika Glavnog odbora u organizaciji i koordinaciji njihovog rada, rukovodi radom izvršnih sekretara i brine za organizaciono funkcioniranje NES BiH, ima druga ovlaštenja i odgovornosti utvrđena ovim Statutom i ostalo što će precizirati Predsjedništvo NES BiH.

(3) Za pojedine oblasti rada u NES BiH imenuju se Izvršni sekretari.

(4) Izvršne sekretare, na prijedlog Predsjednika NES BiH, uz pribavljeno mišljenje Generalnog sekretara, imenuje Predsjedništvo NES BiH.

### 7. KADROVSKA I DRUGE KOMISIJE NES BiH

#### **Član 47.**

(1) Kadrovsku komisiju imenuje Predsjedništvo NES BiH, na prijedlog Predsjednika NES BiH. Kadrovska komisija broji 5 (pet) članova. Članovi Kadrovske komisije mogu se birati iz reda Predsjedništva NES BiH, Glavnog odbora ili iz reda istaknutih članova NES BiH.

(2) Kadrovska Komisija stara se o kadrovima NES BiH, njihovom pravilnom usmjeravanju i rasporedu, te predlaže i prati provođenje kadrovske politike NES BiH.

(3) Radi odlučivanja u pojedinim oblastima ili proučavanja pojedinih pitanja i pripremanja prijedloga rješenja, Predsjedništvo NES BiH može imenovati pojedine komisije.

(4) Komisije se obrazuju od članova Predsjedništva NES BiH i Glavnog odbora, a u njihov sastav mogu ući i drugi članovi NES BiH.

## 8. SUD ČASTI

### **Član 48.**

(1) Sud časti rješava žalbe na odluke o izricanju mjera odgovornosti, kao i druge slučajeve koji su mu dati u nadležnost Statutom ili drugim općim aktom NES BiH.

(2) Sastoji se od predsjednika Suda, zamjenika predsjednika i 5 (pet) članova.

(3) Radi u Vijeću od tri člana uključivši i predsjednika Vijeća.

(4) Sastav Vijeća za svaki slučaj određuje predsjednik Suda časti.

(5) U postupku pred Sudom časti shodno će se primijeniti odredbe općih propisa koje reguliraju utvrđivanje odgovornosti provođenjem disciplinskog postupka.

### **b) Teritorijalna organizacija NES BiH**

#### 1. MJESNI ODBOR

### **Član 49.**

(1) Mjesni odbor je osnovna jedinica političkog organizovanja NES BiH.

(2) Mjesni odbor se formira na području mjesne zajednice grada/općine prema trenutnoj organizaciji gradova/općina u Bosni i Hercegovini.

(3) Mjesni odbor se sastoji od:

- 5 članova, kad na teritoriji mjesne zajednice, u kojoj se formira mjesni odbor, ima do 100 aktivnih članova koji imaju prijavljeno prebivalište u mjesnoj zajednici,
- 7 članova, kad na teritoriji mjesne zajednice, u kojoj se formira mjesni odbor, ima od 101 do 500 aktivnih članova koji imaju prijavljeno prebivalište u mjesnoj zajednici,
- 9 članova, kad na teritoriji mjesne zajednice, u kojoj se formira mjesni odbor ima od 501 i više aktivnih članova koji imaju prijavljeno prebivalište u mjesnoj zajednici.

(4) Jedan od članova mjesnog odbora je predsjednik kojeg bira mjesni odbor većinom glasova.

(5) Predsjednik mjesnog odbora rukovodi radom i vodi sjednice mjesnog odbora.

(6) Članove mjesnog odbora biraju svi aktivni članovi NES BiH koji imaju prijavljeno prebivalište u mjesnoj zajednici za koju se bira mjesni odbor.

(7) Mjesni odbor je zadužen da promovise ideje NES BiH na teritoriji mjesne zajednice, da radi na popunjavanju NES BiH novim članovima, da provodi izbornu kampanju na teritoriji mjesne zajednice, da organizuje logističku podršku za posmatrače i praćenje regularnosti izbora na biračkim mjestima u svojoj mjesnoj zajednici.

(8) Mjesni odbor je obavezan najmanje jednom u dva (2) mjeseca održavati sjednicu.

(9) Članovima mjesnog odbora prestaje članstvo u mjesnom odboru i prije isteka mandata ako neopravdano nedolazi na tri (3) sjednice uzastopno. Odluku o prestanku mandata donosi Mjesni odbor na prijedlog predsjednika ili jednog od članova mjesnog odbora. Odluka se donosi većinom glasova.

(10) Članovima mjesnog odbora mandat može isteći prije roka u slučaju ako član izgubi status aktivnog člana NES BiH.

## 2. GRADSKA/OPĆINSKA ORGANIZACIJA NES BiH

### Član 50.

(1) Za područje svakog grada/općine obrazuje se jedna gradska/općinska organizacija NES BiH ako imaju uspostavljena najmanje tri mjesna odbora.

(2) Izuzetno, ako postoje opravdani razlozi, odlukom Predsjedništva NES BiH može se odobriti formiranje općinske/gradske organizacije i u slučaju da na području te općinske/gradske organizacije nisu formirana minimalno tri mjesna odbora, uz obavezno određivanje roka u kojem se trebaju formirati mjesni odbori.

### Član 51.

(1) Članovi gradskog/općinskog odbora po automatizmu su gradonačelnik/načelnik, predsjedavajući gradskog/općinskog vijeća, odbornici/vijećnici i zastupnici na svim nivoima zakonodavne vlasti koji su na izborima dobili mandat, imenovani zvaničnici u izvršnoj vlasti na svim nivoima te predsjednici mjesnih odbora, a čije je mjesto prebivališta na području tog gradskog/općinskog odbora.

(2) Predsjednika Općinskog odbora bira Općinski odbor većinom glasova po svom konstituiranju, uz saglasnost Predsjednika NES BiH i prethodno pribavljeno mišljenje Kadrovske komisije NES BiH.

(3) Gradski / općinski odbor je zadužen da kreira politiku stranke na teritoriji grada/općine. Odgovoran je za organizaciju predizborne kampanje na teritoriji općine i organizaciju nadzora provedbe izbora, kao i prikupljanja rezultata izbora na nivou općine prema planu Stručne službe NES BiH.

(4) Odluke i stavovi gradskog/općinskog odbora su obavezujući za sve nosioce mandata u ime NES BiH na gradskom/općinskom nivou.

(5) Gradski/općinski odbor zasjeda jednom mjesečno.

(6) Mandat članovima gradskog/općinskog odbora traje 4 (četiri) godine.  
Izuzetno članovima općinskog/gradskog odbora koji su nosioci mandata na gradskom/općinskom i ostalim nivoima vlasti, mandat u gradskom/općinskom odboru traje do kraja mandata u izvršnoj i zakodnodavnoj vlasti.

(7) Općinski/gradski odbor imenuje sekretara na period od četiri (4) godine.

(8) Sekretar gradskog/općinskog odbora je zadužen da dostavlja sve materijale članovima/cama odbora, da vodi zapisnike sa sjednica gradskog / općinskog odbora, da sve izvještaje i zaključke sa sjednica odbora dostavlja Stručnoj službi NES BiH, kao i da obavlja sve tehničke poslove koje mu naloži gradski/općinski odbor ili Stručna služba NES BiH.

(9) Članovima i Sekretaru gradskog/općinskog odbora mandat može isteći prije roka u slučaju ako član ili sekretar gradskog/općinskog odbora izgubi status aktivnog člana NES BiH ili na zahtjev mjesnog odbora koji ga je delegirao u gradski/općinski odbor.

(10) Gradski/općinski odbor radi funkcionalnosti u izvršavanju svojih nadležnosti može formirati gradski/općinski izvršni odbor.

(11) Predsjednik gradskog/općinskog odbora je i predsjednik gradskog/općinskog izvršnog odbora.

(12) Predsjednik gradskog/općinskog odbora, odnosno predsjednik izvršnog gradskog/općinskog odbora saziva i presjedava gradskim/općinskim odborom kao I izvršnim odborom.

### 3. KANTONALNI ODBOR

#### **Član 52.**

(1) Na području kantona formira se Kantonalni odbor kojeg čine sve gradske/općinske organizacije NES BiH sa područja kantona.

(2) U Kantonalni odbor svaka gradska/općinska organizacija bira jednog ili više članova zavisno od veličine te organizacije.

Članovi kantonalnog odbora po funkciji su: Premijer kantona, članovi kantonalnih skupština i Predsjednici gradskih/općinskih organizacija.

Ukupan broj članova za svaki kantonalni odbor na prijedlog Predsjednika NES BiH donosi Predsjedništvo NES BiH.

#### **Član 53.**

(1) Kantonalni odbor iz svog sastava bira predsjednika i sekretara odbora, uz saglasnost Predsjednika NES BiH i predhodno pribavljeno mišljenje Kadrovske Komisije NES BiH.

(2) Prvo se bira predsjednik odbora te sekretar odbora.

#### **Član 54.**

(1) Kantonalni odbor NES BiH nadležan je da:



- utvrđuje prijedlog Programa rada NES BiH za područje kantona;
- provodi odluke, smjernice i druge akte viših organa NES BiH;
- razmatra društveno-političke prilike na području kantona;
- Usmjerava i koordinira rad gradskih/općinskih organizacija NES BiH na svom području;
- podnosi izvještaj o svom radu Glavnom odboru NES BiH;
- usvaja financijski plan i njegovo izvršenje za nivo kantonalne organizacije;
- ima i druga ovlaštenja i odgovornosti u skladu sa programskim i drugim aktima NES BiH;

#### **Član 55.**

(1) Odluke kantonalnog odbora su obavezne za članstvo i gradske/općinske organizacije NES BiH na svom području.

(2) Kantonalni odbor radi funkcionisanja u provođenju i izvršavanju svojih nadležnosti može formirati Kantonalni izvršni odbor.

(3) Predsjednik kantonalnog odbora je i predsjednik kantonalnog izvršnog odbora.

(4) Predsjednik kantonalnog odbora koji je ujedno i predsjednik kantonalnog izvršnog odbora saziva i presjedava kako kantonalnim odborom tako i kantonalnim izvršnim odborom.

#### **Član 56.**

(1) Za koordinaciju Kantonalnih odbora Predsjedništvo NES BiH može imenovati koordinacioni odbor po prijedlogu Predsjednika NES BiH.

### **4. ORGANIZACIJA BRČKO-DISTRIKT BOSNE I HERCEGOVINE I REPUBLIKE SRPSKE**

#### **Član 57.**

(1) Za područje Brčko - Distrikt Bosne i Hercegovine formira se Narodni evropski savez BiH-Brčko Distrikt Bosne i Hercegovine.

(2) Na organizaciju NES-a Brčko-Distrikt Bosne i Hercegovine (ovlaštenja, odgovornosti i odnosi sa centralnim organima NES BiH) shodno se primjenjuju odredbe ovog Statuta koje se odnose na općinske organizacije NES BiH.

(3) Za djelovanje NES BiH na području entiteta Republika srpska pored općinskih/gradskih organizacija mogu se formirati regionalne organizacije za više gradova/općina ovisno o potrebama.

(4) Obuhvat i broj regija utvrđuje se posebnom odlukom Predsjedništva NES BiH na prijedlog Predsjednika NES BiH.

(5) Na organizaciju, rad i funkcionisanje NES BiH na području entiteta Republika srpska nadležnosti, prava i obaveze, odgovornost i odnosi prema višim organima NES BiH primjenjuju se odredbe ovog Statuta koje se odnose na kantonalne organizacije i općinske/gradske organizacije.

## 5. POVJERENIK I POVJERENIŠTVO

### Član 58.

(1) Predsjednik NES BiH ima pravo razriješiti općinske/gradske organizacije u cjelini ili djelimično, kao i njihove pojedine članove, ako ocijeni da djeluju u suprotnosti sa Statutom, Programom i drugim aktima i odlukama organa NES BiH i time ugrožavaju ugled i nanose drugu štetu NES BiH.

(2) Kada ocijeni neophodnim, zbog naročito teške situacije u organizacijama NES BiH, Predsjednik NES BiH može razriješiti sve organe NES BiH tog nivoa.

(3) Kantonalni odbor može Predsjedniku NES BiH predložiti razrješenje/raspuštanje organa općinske/gradske/organizacije.

(4) Kada se razriješi neki odbor u cjelini, Predsjednik NES BiH će imenovati povjerenika ili povjereništvo koje će voditi poslove razriješenog organa/raspuštene organizacije do novog izbora.

(5) Protiv odluka Predsjednika NES BiH o razrješenju ili raspuštanju može se podnijeti žalba Predsjedništvu NES BiH u roku od 15 dana, koji je dužan u roku od 30 dana donijeti odluku po žalbi.

(6) Žalbe iz prethodnog stava ne odlažu izvršenje, a odluke koje se donesu povodom tih žalbi su konačne.

### Član 59.

(1) Ukoliko, zbog opravdanih razloga u pojedinim općinskim organizacijama nije moguće provesti redovne izbore, Predsjednik NES BiH za takve općinske organizacije imenuje povjereništvo sa mandatom od dvije godine, s tim što će u odluci o imenovanju povjereništva odrediti da će se provesti izbori kada se za to steknu uslovi i ukoliko do isteka tekućeg mandata nije ostalo više od dvije godine.

(2) Predsjedništvo NES BiH će Pravilima izbornog postupka bliže urediti uslove i procedure kandidovanja, postupak i proces glasanja, proceduru žalbenog postupka, prava i obaveze biračkih odbora, utvrđivanje biračkih mjesta, objavu rezultata izbora, dodjelu mandata, osiguranje nacionalne zastupljenosti, zastupljenosti mladih i žena, kao i druga pitanja od značaja za izbore u NES BiH, a dužno ih je donijeti 30 dana od dana stupanja na snagu ovog Statuta.

## V. KLUBOVI ZASTUPNIKA-VIJEĆNIKA-ODBORNIKA

### Član 60.

(1) U cilju uspješnijeg ostvarivanja programskih ciljeva NES BiH u oblasti kulture, ekonomije, ekologije i drugim područjima organiziraju se klubovi NES BiH na funkcionalnom principu.

(2) Odlukom Predsjedništva NES BiH bliže se uređuje organiziranje i rad klubova u okviru NES BiH.

### **Član 61.**

(1) U predstavničkim tijelima (skupštinama/vijećima) izabrani predstavnici - poslanici/odbornici odnosno vijećnici, izabrani na listi NES BiH, formiraju klubove poslanika odnosno vijećnika/odbornika NES BiH.

(2) Predsjednika kluba poslanika, odnosno vijećnika/odbornika, biraju poslanici, odnosno vijećnici/odbornici između članova kluba, na prijedlog izvršnog organa odgovarajućeg nivoa organiziranja NES BiH.

(3) U klubu poslanika, odnosno vijećnika/odbornika NES BiH, pretresaju se sva pitanja koja su na dnevnom redu predstavničkog tijela radi zauzimanja zajedničkog stava i dogovaraju aktivnosti koje će se poduzimati u predstavničkom tijelu ili u vezi sa radom predstavničkog tijela.

### **Član 62.**

(1) Odluke i stavovi Kluba poslanika NES BiH i kluba vijećnika/odbornika NES BiH obavezuju članove kluba u predstavničkom tijelu.

(1) Nepoštivanje odluka i stavova Kluba podliježe odgovornosti.

## **VI. IZBORI I RAD ORGANA NES BiH**

### **Član 63.**

(1) Izbori u NES BiH mogu biti redovni i vanredni.

(2) Redovni izbori za sve organe i tijela na svim nivoima NES BiH održavaju se svake četiri godine.

(3) Odluku o raspisivanju redovnih izbora donijet će Glavni odbor istovremeno sa Odlukom o sazivanju redovne Konvencije NES BiH.

(4) Odluka o raspisivanju redovnih izbora sadrži:

- vrijeme održavanja izbora na svim nivoima sa rokovima za provođenje pojedinih izbornih radnji,
- imenovanje Apelacione komisije i Izborne komisije NES BiH,
- imenovanje odbora za pripremu Konvencije,
- druga pitanja po potrebi.

(5) Izborne komisije iz prethodnog člana imenuju se na period od četiri godine.

### **Član 64.**

(1) Vanredni izbori provode se na način i po proceduri kao i redovni izbori, a mogu se raspisati u skladu sa Pravilima izbornog postupka.

(2) Odluku o raspisivanju vanrednih izbora za cijeli NES BiH donijet će Glavni odbor, sa 2/3 glasova od ukupnog broja njegovih članova sazivanjem vanredne Konvencije NES BiH.

(3) Odluku o raspisivanju vanrednih izbora za niže organe NES BiH donijet će taj organ, sa 2/3 glasova od ukupnog broja njegovih članova.

(4) Vanredni izbori u nižim organima NES BiH provode se i nakon uvođenja povjereništva u tom organu, a u skladu sa Statutom i Pravilima izbornog postupka.

(5) Mandat izabраниh organa i funkcionera na vanrednim izborima, u skladu s odredbama ovog člana, traje do potvrđivanja rezultata sljedećih redovnih izbora.

(6) Izbori za sve organe i funkcionere u NES BiH provode se tajnim glasanjem između više kandidata ili, u slučajevima kada je ovim Statutom predviđeno, glasanjem o listi u cjelini (ZA LISTU ili PROTIV LISTE).

(7) Izbori se provode po jedinstvenom izbornom postupku propisanom izbornim pravilima.

(8) Pravila izbornog postupka u NES BiH donosi Glavni odbor, na prijedlog Predsjedništva NES BiH.

(9) Pravilima se može predvidjeti da se za neke organe glasa javno.

#### **Član 65.**

(1) Svi kandidati za organe i funkcije u NES BiH, kao i kandidati NES BiH za funkcije u državnim i drugim organima i institucijama, moraju uživati ugled u sredini gdje žive i rade, i ispoljavati odanost programskim načelima i ciljevima NES BiH.

#### **Član 66.**

(1) Svi članovi organa NES BiH i svi izabrani nosioci funkcija u njoj odgovaraju za svoj rad i mogu biti opozvani, odnosno razriješeni.

(2) Opoziv se vrši po istom postupku kao i izbor.

(3) U slučaju kada je organ, predsjednik ili član organa NES BiH bilo kojeg nivoa, po mišljenju predlagача, izgubio povjerenje biračkog tijela zbog grešaka u radu ili stanja u oblasti za koju odgovara, može se provesti postupak provjere povjerenja.

(4) Pravilima izbornog postupka bliže će se regulirati opoziv i provjera povjerenja u NES BiH.

#### **Član 67.**

(1) Član ili aktivista NES BiH koji djeluju suprotno Programu, Statutu i drugim općim aktima NES BiH i time bitno narušavaju ugled ili nanose štetu NES BiH, mogu se izreći mjere odgovornosti i to:

- javni ukor,
- ukor pred isključenje iz organa NES BiH,
- isključenje iz organa NES BiH.

(2) Postupak utvrđivanja odgovornosti je hitan, a provode ga odgovarajući organi u skladu sa ovim Statutom.

(3) Za provođenje prethodnog ili određenih faza postupka za utvrđivanje odgovornosti, organ nadležan za vođenje postupka i izricanje mjera odgovornosti može imenovati posebne komisije kao pomoćna tijela, ali bez prava na donošenje same odluke.

#### **Član 68.**

(1) Ukoliko bi daljnji rad i prisustvo u organima NES BiH člana protiv koga je pokrenut postupak odgovornosti u NES BiH mogli nanijeti štetu NES BiH, može mu se i prije okončanja postupka izreći suspenzija (udaljenje iz organa), koja vrijedi do donošenja konačne odluke.

#### **Član 69.**

(1) Odluke organa NES BiH obavezne su za članstvo NES BiH.

(2) Odluke organa višeg nivoa organiziranja NES BiH obavezne su za organe NES BiH nižeg nivoa organiziranja.

#### **Član 70.**

(1) Mandat izabranih organa NES BiH traje četiri godine.

#### **Član 71.**

(1) Svaki organ NES BiH može zasjedati i odlučivati kada je na sjednici prisutno više od polovine ukupnog broja njegovih članova, osim za slučaj iz ovog Statuta kada je za rad i odlučivanje dovoljna većina prisutnih članova Glavnog odbora.

(2) Odluke se donose većinom glasova prisutnih članova, ako Statutom ili drugim općim aktom nije drukčije određeno.

(3) Kada organi NES BiH zasjedaju u funkciji izbornog tijela, odluke se donose u skladu sa Pravilima izbornog postupka.

#### **Član 72.**

(1) Članovi neposredno viših predstavničkih organa NES BiH (Glavni odbor, Kantonalni odbor itd.) učestvuju u radu neposredno nižih predstavničkih organa NES BiH, a ovi su ih o svojim zasjedanjima dužni redovno i blagovremeno obavještavati.

(2) Članovi organa iz prethodnog stava dužni su organima i članstvu NES BiH sa područja iz kojega su izabrani omogućiti uvid u svoj rad, informirati ih o radu i stavovima viših organa, te u njima podnositi inicijative i prijedloge koji će odražavati interese tog područja.

#### **Član 73.**

(1) Svi organi NES BiH, i na svim nivoima, donijet će poslovničke o radu u kojima će, u skladu sa ovim Statutom, urediti pravila svog rada.

#### **Član 74.**

(1) Predsjednik NES BiH ima pravo zaustaviti izvršenje odluke i/ili druge akte organa NES BiH na nižim nivoima, te odluke nosilaca funkcija u organima NES BiH, za koje smatra da su u suprotnosti sa Programom, Statutom i drugim odlukama organa NES BiH čija bi primjena nanijela štetu ugledu i/li drugu štetu NES BiH.

(2) U ovim slučajevima predsjednik NES BiH je dužan bez odlaganja izvijestiti Predsjedništvo NES BiH koje je odluku o tome dužno donijeti u roku od 30 dana od dana prijema obavijesti.

### **VII - KANDIDATSKE LISTE**

#### **Član 75.**

(1) Kandidate za kandidatsku listu za gradsko/općinsko vijeće odnosno Skupštinu grada/općine predlažu mjesni odbori.

(2) Broj predloženih kandidata mjesnog odbora zavisi od ostvarenog izbornog rezultata sa prethodnih izbora za svaki mjesni odbor i taj broj za svaki mjesni odbor za lokalne izbore utvrđuje predsjednik gradske/općinske organizacije i predlaže Predsjedniku NES BiH na dalje odlučivanje.

(3) Odluke Predsjednika NES BiH o kandidatima na izbornim listama su konačne i obvezujuće.

(4) Kandidate za kandidatsku listu Načelnika i Gradonačelnika predlaže Gradski/općinski odbor.

(5) Kandidate za kandidatsku listu za kantonalni nivo predlažu Gradski / općinski odbori iz tog kantona. Broj predloženih kandidata Gradskog/općinskog odbora zavisi od ostvarenog izbornog rezultata sa prethodnih izbora za svaki Gradski/općinski odbori i taj broj za svaki Gradski/općinski odbor za opće izbore utvrđuje Predsjednik kantonalnog odbora NES-a.

(6) Kandidate za kandidatsku listu za entitetski nivo predlažu Gradski/općinski odbori za izbornu jedinicu u kojoj se nalaze.

(7) Broj predloženih kandidata Gradskog/općinskog odbora zavisi od ostvarenog izbornog rezultata sa prethodnih izbora za svaki Gradski/općinski odbor i taj broj za svaki Gradski/općinski odbor za opće izbore utvrđuje Predsjednik općinske organizacije NES BiH.

(8) Kandidate za kandidatsku listu za državni nivo predlaže Predsjednik BiH na osnovu usaglašenih prijedloga kantonalnih odbora.

(9) Kandidate za člana Predsjedništva BiH predlaže Predsjedništvo NES BiH .

(10) Redoslijed na kompenzacijskim listama, za nivoe koji imaju kompenzacijske liste, utvrđuje Predsjednik NES BiH.

### **VIII. MATERIJALNO - FINANSIJSKO POSLOVANJE**

## **Član 76.**

(1) NES BiH ostvaruje prihode iz:

- članarina;
- priloga pravnih i fizičkih lica;
- prihoda od imovine u vlasništvu NES BiH,
- budžeta BiH za finansiranje parlamentarnih grupa kao i iz entitetskih budžeta i svih njihovih nižih jedinica u skladu sa entiteskim zakonima;
- dobiti od prihoda preduzeća u vlasništvu NES BiH.

## **Član 77.**

(1) Finansijsko poslovanje NES BiH obavlja se putem transakcijskih računa i blagajne.

(2) Primitak i izdatak sredstava može se izvršiti samo na osnovu urednih pisanih naloga, snabdjevenih potpunom dokumentacijom.

(3) Svaka promjena mora biti odmah evidentirana u knjigovodstvu u skladu sa zakonom i računovodstvenim standardima.

(4) Finansijsko poslovanje NES BiH uređuje se posebnim Pravilnikom.

## **Član 78.**

(1) Niže organizacione jedinice mogu stvarati obaveze u pravnom prometu sa trećim licima samo u okviru finansijskog plana odobrenog od Predsjedništva NES BiH i u skladu sa važećim propisima.

## **Član 79.**

(1) NES BiH može, radi ostvarivanja dobiti, u skladu sa Zakonom, osnivati privredna društva i druge organizacije.

(2) Odluku o osnivanju društva donosi Predsjedništvo NES BiH.

(3) Ukoliko je zakonom dopušteno, Predsjedništvo NES BiH može dati saglasnost organima nižih organizacionih jedinica NES BiH da osnivaju privredna društva.

(4) Predsjedništvo NES BiH odnosno odgovarajući organ nižih organizacionih jedinica NES BiH, će najmanje jedanput godišnje razmatrati informaciju o poslovanju privrednog društva.

## **VIII. PRESTANAK RADA NES BIH**

### **Član 80.**

(1) NES BiH će prestati sa radom ako to odluči Konvencija.

(2) Za tu odluku potrebna je dvotrećinska većina glasova prisutnih članova Konvencije.

(3) Glasanje se provodi tajno.

#### **Član 81.**

(1) Odlukom o prestanku rada NES BiH istodobno se odlučuje i o imovini NES BiH, koja se može odrediti samo u korist dobrotvorne, kulturne ili vjerske ustanove.

### **IX. PRELAZNE I ZAVRŠNE ODREDBE**

#### **Član 82.**

(1) Izabrani članovi organa NES BiH i funkcioneri NES BiH, na svim nivoima, nakon izbora daju svečanu izjavu.

(2) Tekst svečane izjave i druga pitanja u vezi s tim utvrdit će Glavni odbor odlukom.

#### **Član 83.**

(1) Izmjene i dopune Statuta NES BiH vrše se po proceduri propisanoj za njegovo donošenje.

(2) Izuzetno, između dva zasjedanja Konvencija, Glavni odbor može statutarnom odlukom izvršiti izmjene i/ili dopune ovog Statuta ako se one ne tiču osnovnih pitanja organizacije i ciljeva NES BiH.

(3) Statutarna odluka se donosi dvotrećinskom većinom glasova ukupnog broja članova Glavnog odbora.

(4) O donošenju odluke iz prethodnog stava Glavni odbor će izvijestiti Konvenciju NES-a na prvom zasjedanju.

#### **Član 84.**

(1) Na osnivačkoj skupštini izabraće se rukovodstvo NES BiH u skladu sa odredbama ovog statuta i osnivačke odluke.

#### **Član 85.**

(1) Ovaj Statut stupa na snagu danom donošenja nakon čega prestaje sa važenjem Statut Narodnog evropskog saveza Bosne i Hercegovine od 27.02.2021.godine.

#### **Član 86.**

(1) Svi organi NES BiH usaglasice svoju organizaciju sa odredbama ovog Statuta u roku od 90 dana od njegovog stupanja na snagu.

Cazin, 03.06.2023.god

Predsjednik Glavnog odbora

---